

– Ինչու չգրել, պատոեյի պարոն, – պատասխանեց նա զարմացած կերպով:

– Նրա համար, որ այդ ամանով դուք մեզ ջուր տոեցիք, մենք ջուրը գործածեցինք, եթե ջուրը մի առանձին արժեք ունի, կը տանք, բայց ամանը այստեղ պետք է թողնենք ու գնանք:

– Ինչո՞ւ եք թողնում, պատոեյի պարոն, կարող եք ամանն էլ ձեզ հետ տանել, չէ՞ որ ձեզ համար է գնաւծ:

Անպիտանը հաւաստի էր, որ մենք այն մեծ խեցեղէն կուժը մեզ հետ չէինք տանի, այդ պատճառով այսպիսի առաջարկութիւն էր անում, որ մեզ դժոարութեան մէջ դնէ:

– Դուք ձեր բոլոր այցելուների հետ այդպէ՞ս եք վարում, – հարցրի նրանից:

– Դուք գիտեք, պատոեյի պարոն, որ մենք սուտ խօսելու սովորութիւն չունենք, – կրկնեց նա հայ-բողոքականի սովորական պարծենկոտութեամբ:

Ես վճարեցի բոլորը, ինչ որ նրա թղթի վրայ գրած էր: Բայց այդ միջոցին իմ մէջ խաղաց իմ մանկական չարութիւններից մէկը:

– Ուրեմն այդ կուժը այժմ մեզ է պատկանում: Այսպէս չէ՞:

– Ի հարկէ, ձեզ է պատկանում, սիրելի եղբայր... – ասաց նա, բայց յետոյ ուշի գալով, որ հային «եղբայր» ասելը մեղք է, իսկոյն ուղղեց իր սխալը.

– Ի հարկէ, ձեզ է պատկանում, պատոեյի պարոն: Կարող եք ձեզ հետ տանել:

– Ես նրան կը թողնեմ այստեղ:

Ժլատի դէմքը փայլեց: Բայց ես կուժը զարկեցի սենեակի քարէ յատակի վրայ, փշրոեցաւ: Հաջին ամբողջ մարմնով սոսկաց: Կարծես, կուժը նրա գլխին կոտորեցին: Նա երեւակայել անգամ չէր կարող, որ իր առաջարկութիւնն այդպիսի հետեւանք կունենար: Երկար, սառածի նման, նայում էր խեցիների կտորների վրայ, որոնք կարծես իւր սրտի կտորները լինէին: Այդ միջոցին ներս մտաւ Ասլանը եւ հասկանալով եղելութիւնը՝ յանդիմանեց ինձ.

– Այդ ի՞նչ երեխայութիւն է:

Հաջիի լեզուն բացոեցաւ: Նա իրան պաշտպան գտաւ:

– Այդ ասացէք, պարոն բժշկապետ, ի հարկէ, երեխայութիւն է, ապա ինչ է, – մրթմրթաց նա խորին դժգոհութեամբ:

Ասլանը նայեց նրա ներկայացրած հաշոյի վրայ եւ, ձեռքը մեկնելով դէպի նա, ասաց.